

Akuerdo di gobernashon:

KÒRSOU

RUMBO PA

STÁTÙS OUTÓNOMO

DEN REINO

Mei 2007

PRÓLOGO

Basá riba un elekshon demokrátiko pa Konseho Insular di Kòrsou pa e periodo 2007 – 2011, partidonan PAR, FOL i PNP a disidí di traha huntu pa yega na un akuerdo di gobernashon ku ta pone énfasis riba bienestar di e pueblo di Kòrsou. Ademas ta deseo ferviente di e partidonan menshoná pa Kòrsou haña su státùs outónomo den Reino Ulandes mas pronto posibel den e período di gobernashon menshoná. Esaki lo bira un logro históriko konsiderando e deseo ekspresá pa pueblo di Kòrsou durante referèndem di aprel 2005.

Pa logra e státùs outónomo den Reino i tambe un mihó bienestar pa pueblo ta nesario pa e gobièrnu nobo ehekutá un pakete balansá di akshonnan ku ta konkreto i realisabel riba e siguiente terenan:

1. Kombatimentu di pobresa i mehorashon di kalidat di bida atraves di edukashon, maneho sosial, salubridat, medio ambiente, hubentut, famia, deporte, kultura i arte;
2. Struktura estatal dirigí pa logra e státùs outónomo den Reino, un finansa públiko na òrdu i un desaroyo sosial ekonómiko positivo ta nesario;
3. Ekonomia i turismo ku mester sòru pa un desaroyo ekonómiko duradero i kreashon di kuponan di trabou pa habitantenan di Kòrsou;
4. Infrastruktura i desaroyo urbano ku mester fasilitá bida di nos hendenan i desaroyo ekonómiko;
5. Maneho di kompanianan i fundashonnan di gobièrnu basá riba prinsipio i normanan di “good corporate governance” i benefisio pa e konsumidó.

Lo implementá e puntonan di akshon konkreto menshoná den e akuerdo di gobernashon (kapítulo 1 te ku 5) den un programa di gobernashon ku ta tene kuenta ku e kuadro finansiero di teritorio insular di Kòrsou.

E koperashon entre partidonan lo tuma lugá a base di rèspèt mutuo i kompreshon pa otro su punto di bista i deseo. Den esaki ta tene kuenta semper ku interes di e pueblo di Kòrsou.

Riba un base regular lo informá komunidat riba kumplimentu di e programa di gobernashon konforme prinsipionan di bon gobernashon.

1. KOMBATIMENTU DI POBRESA I MEHORASHON DI KALIDAT DI BIDA

Ta midi nivel di sivilisashon di un pais na e manera ku e ta sòru pa esnan mas vulnerabel den komunidad. Den e situashon aktual di nos pais diferente grupo den komunidad ta biba den situashonnan penoso. Mester aliviá e situashonnan mas krítiko pa sigurá ku den nos pais tur hende por hiba un bida digno.

Mas aleu mester krea un base sosio-ekonómiko sano ku ta brinda kada siudadano un bida di kalidat haltu. Enseñansa ta un di e vehíkulonnan pa krea e base akí. Enseñansa mester ta dirigí riba optimalisashon di e potensial di nos komunidad, riba desaroyo di nos ekonomia i riba nos nesesidat laboral.

Ta imperativo pa na kaminda pa un Kòrsou outónomo den Reino, nos institutonan di desaroyo prepará hende pa nan por karga nan propio responsabilidat i funshoná den e komunidad ku nan ta forma parti di dje. Pa logra esaki mester invertí den infrastrukturna profeshonal i infrastrukturna institushonal. Famia, krèsh, skol, bario, deporte i kultura, kuido médiko, servisio sosial i medio ambiente mester operá den un bon infrastrukturna pa por kumpli ku e tarea di desaroyo di e hende.

Puntonan di akshon riba e diferente terenonan di maneho ta:

Krèsh

- Formalisashon kuríkulo básiko pa edukashon pre-eskolar
- Supsidia kuponan pa yu di esnan di ménos rekursu

Edukashon/enseñansa

- Ehekutá leinan den kuadro di Deltaplan.
- Reglamentá korementu di stage for di e diferente tiponan di enseñansa
- Drecha estado físiko di skolnan pa medio di un reserva finansiero speshal
- Desaroyá un kuríkulo nashonal enkuanto ‘maatschappijoriëntatie’
- Stipulá normanan pa preis i kalidat di unifòrm pa skol i pa kursonan ofresé pa institutonan di estudio
- Instituí un ROA (Raad voor Onderwijs en Arbeidszaken) na nivel insular pa enseñansa ta mas dirigí riba nesesidatnan di merkado laboral
- Introdusí un sistema di finansiamentu di estudio nobo ku ta garantisá ku tur studiante por haña un fianza mínimo
- Tuma pasonan nesenario pa resolvé skarsedat di maestro den enseñansa
- Realisá un instituto pa formashon di maestro di enseñansa di fundeshi supsidia pa gobièrnu
- Proklamashon di dia di alumno riba dia internashonal di derecho di mucha

Desaroyo Soshal

- Stipulá maneho enkuanto hubentut, grandinan i hendenan desabilitá.
- Inventarisá i ehikutá proyektonan den kuadro di iniciativa sosial ekonómiko (SEI)
- Drecha ambiente di barionan ku a keda atras pa loko ta trata infrastrukturna, seguridat i limpiesa.
- Garantisá nutrishon responsabel pa muchanan di famianan di ménos rekursu na kas i na skol
- Introdusí un dia pa rekonosé trabou boluntario
- Inkorporá programanan sikológiko i tratamentu pa komportashon problemátiko den pakete di kuido médiko

- Hasi posibel ku hende ku ta kobra ònderstant risibí guia profeshonal pa nan por subi merkado laboral
- Integrá “opvang” despues di skol den enseñansa
- Fortifiká internatnan pa mucha i hóben
- Evaluá maneho di supsidio pa awa i lus pa esnan ménos pudiente
- Introdusí pagatino pa uso di awa
- Stipulá un maneho pa kasnan pa grandinan inkluso kontròl riba ehekushon di e maneho
- Introdusí un büro di famia pa brinda asistencia i guia imaterial na famianan den nesesisdat
- Introdusí un programa di micro-lending pa kombatí pobresa

Deporte

- Introdusí un maneho di deporte nobo pa pais Kòrsou tratando di promové partisipashon di pueblo den deporte pasivo i aktivo.
- Introdusí un fondo pa finansiá desaroyo di deporte, infrastruktura i edukashon deportivo.
- Krea fondo pa representá Kòrsou dignamente den kompetenshanan internashonal
- Inventarisá estado di nos fasilitadnan deportivo den tur barío komo parti di harmonisashon di maneho di enseñansa, kultura i deporte

Kultura

- Evaluá, adaptá i implementá e Plan di Maneho riba kultura
- Kuminsá ku e trayekto pa realisá un Teatro Nashonal pa sigui fomentá aktividatnan kultural teatral
- Promové partisipashon kultural en general, sea aktivo òf pasivo
- Krea un fondo (huntu ku e fondo pa deporte) pa desaroyo kultural

Medioambiente

- Desaroyá i implementá un plan di maneho ambiental integral ku ta enserá entre otro polushon di aire, tera i awa, transporte di material peligroso, uso di material di konstrukshon, etc.
- Evaluá i adaptá e aktual lei di molèster (hinderverordening) ku atenshon speshal tambe pa molèster dor di zonido
- Regulá medioambiente den barío kreando kondishonnan ku ta regulá medioambiente di barío i responsabilidat di habitantenan
- Promové un “konsenshi bèrdè” bou di poblashon pa medio di programanan di konsientisashon enkuanto medioambiente

Agrikultura i peskeria

- Yega na un plan di maneho aktualisá pa agrikultura, krio di bestia i peskeria
- Reorganisá Servisio pa agrikultura, krio i bestia i peskeria i evaluá funshonamentu di e diferente fundashonnan den e sektor akí
- Duna rekonesimentu na Konseho Agrario

Salubridat

- Evaluá i restrukturá e área di salubridat públiko pa duna un mihó servisio na komunidad sin pèrdè e dominio di gastu for di bista
- Duna mihó kontenido na e maneho di prevenshon dirigí riba konsientisashon di komunidad enkuanto entre otro importansha di kome salú, sobrepeso i su konsekuenshanan, importansha di lechi di mama, konsekuenshanan di humamentu,

(mal)uso di droga, prevenshon di HIV/AIDS, programanan pa evitá embaraso hubenil, higiena i kalidat di kuminda i formalisá instituto pa por optené statistiknan médiko

- yega na un seguro general pa malesa (AZV) transparente i efektivu, saliendo for di un pakete básiko di kuido ku ta aksesibel pa un i tur i pagabel
- Studia e posibilidat pa strukturá i regulá medisina alternativa i mira te na ki nivel por inkorpor'é den e pakete di kuido básiko
- Yega na palabrashonnan konkreto pa un poli i hospital nobo (konsepto Medisch Geïntegreerd Bedrijf) i un sentro di onkologia
- Instituí un meldpunt pa atendé ku kehonan di pashèntnan

2. STRUKTURA ESTATAL, FINANSA PÚBLIKO, INISIATIVA SOCIAL EKONÓMIKO I ASUNTUNAN GENERAL

Partidonan ta konsiderá ku ta imperativo pa kontinuá ku e deliberashon- i negosashonnan ku nos partnernan den Reino pa asina realisá státùs outónomo den Reino pa Kòrsou, manera pueblo a vota p’e den e referèndem di aprel 2005. Esaki conforme i den espíritu di akuerdonan ya será i ratifiká pa Konseho Insular, manera: Slotverklaring Bestuurlijk Overleg Staatkundige Structuur (17 sèptèmber 2005), Hoofdlijnenakkoord (22 òktober 2005), Slotverklaring Start-Ronde Tafel Conferentie (26 novèmber 2005).

Deliberashonnan i negosashonnan mester tuma lugá a base di rèspèt mutuo i den un esfera harmonioso i mester resultá den palabrashonnan konkreto den un òf mas konferensha di mesa rondó, pa despues someté e palabrashonnan akí na huisio di pueblo di Kòrsou, pa medio di un referèndem.

Preparashon pa konferensha di mesa rondó

Partidonan ta boga pa un bon relashon ku partnernan den Reino di manera ku por logra e kambionan estatal den un período kòrtiku. Mester sigui ku e deliberashonnan i negosashonnan na kaminda pa e konferensha di mesa rondó. Partidonan ta di opinion ku e konseho di mr. J.A.B. Larmonie fechá 27 di novèmber 2006 ta indiká e direkshon pa kana den esaki.

Por lo tantu partidonan ta di opinion ku e resultado optené di e Bestuurlijk Overleg over de Toekomstige Staatkundige Positie van Curaçao en St. Maarten (2 di novèmber 2006) ta habri kaminda pa kontinuá ku deliberashonnan i negosashonnan pa realisá e státùs outónomo di Kòrsou den Reino. Den e deliberashonnan i negosashonnan pa yega na un konferensha di mesa rondó, lo atendé ku e puntonan di atenshon ku tin relashoná ku e resultado di Bestuurlijk Overleg ariba menshoná.

Partidonan ta di opinion ku mester mantené e benefisionan ku e resultado di e Bestuurlijk Overleg ta trese pa Kòrsou, manera e inyekshon finansiero supstansial pa kombati e retraso sosio-ekonómiko ku ta reina den nos komunidad, un alivio di e peso di nos debe nashonal, un kontribushon signifkante na e kartera di hustisia.

Partidonan ta aserká Konseho Insular pa aprobá e resultado di e Bestuurlijk Overleg over de Toekomstige Staatkundige Structuur van Curaçao en St. Maarten di 2 di novèmber 2006 i na mes momentu instruí Gobièrnu di Kòrsou pa den ehkushon di esaki atendé e siguiente puntonan di atenshon den deliberashonnan i negosashonnan ku partnernan den Reino:

- Limitá uso di “consensus-rijkswetten” (leinan di Reino di konsenso) na algun asunto esensial i laga reglamentu di detaye den leinan lokal o areglonan mutuo (“onderlinge regelingen”);
- Inkluí un areglo di terminashon o adaptashon den e leinan di Reino di konsenso, pa asina garantisá outonomia di futuro pais Kòrsou;
- Hasi un análisis o investigashon hurídiko profundo di e èkstra poder otorgá na minister di hustisia hulandes pa duna instrukshon na prokurador general, den kaso ku un situashon conforme artíkulo 43, insiso 2 di Statüt presentá.
- Konkretisashon di e kompromiso di Hulanda pa sanea e debe i finansiá e proyekto di “Sociaal-Economische Initiatief” (SEI);
- Garantisá ku e órgano di supervishon ta funshoná di un manera ophetivo i balansá, respetando i manteniendo derechinan fundamental di nos institutonan demokrátiko manera gobièrnu, parlamento i kontrolaria general.
- Renegoshá e puesto di un prokurador general kompartí.

E resultado di e Bestuurlijk Overleg di 2 di novèmber 2006 mester wòrdu konsiderá komo un stashon temporal na kaminda pa e destinashon ku ta e konferensha di mesa rondó final. Den e konferensha di mesa rondó final akí ta ratifiká un pakete di konklushonnan pa despues esaki keda someté na opinion di pueblo di Kòrsou pa medio di un referèndem.

Na momentu ku reanudá deliberashonnan, Hulanda mester komprometé su mes di un manera konkreto ku Kòrsou, ekivalente na e manera ku e a komprometé su mes finansieramente pa ku e otro islanan, den e kumbre di 12 di febrüari 2007 na St. Maarten. Ademas mester envolví Konseho Insular i e plataforma di konsulta den e proseso pa yega na relashonnan nobo den Reino.

Finalisá organisashon, legislashon i konstitushon di pais Kòrsou

- Mester realisá pa pais Kòrsou un aparato gubernamental efisiente i efektivu i ku ta kumpli ku su tarea di servisio pa pueblo
- Mester respetá derechinan atkerí di kada ámtenar. Punto di salida ta ku tantu ámtenarnan di Teritorio Insular di Kòrsou komo esnan di Antia Hulandes tin e mesun posibilidat pa apliká pa funkshonnan den e aparato públiko di e futuro pais Kòrsou
- Presentá un masterplan i vishon kompartí pa futuro pais Kòrsou. Mester laga pueblo bira partísipe den e plan
- Adaptá konstitushon i/o introdusí legislashon pa futuro pais Kòrsou
- Studia posibilidat pa introdusí un sistema elektoral ku ta krea mas stabilitat den gobernashon di pais

Relashon ku Gobièrnu Sentral

- Mehora e trayekto di sintonisashon (afstemming) ku Gobièrnu Sentral

Relashon ku otro islanan den Reino

- Sigui e trayekto di sintonisá ku e otro islanan
- Duna kontenido na futuro lasonan di koperashon manera kumbiní mutuamente ku otro

Informashon na pueblo i preparashon pa referèndem

- Instalá un komishon di komunikashon pa kontinuamente duna informashon na komunidad tokante di e progreso di e trabounan pa yega na un pais Kòrsou
- Na su debido tempu instalá un komishon pa kuminsá ku e preparashonnan pa un referèndem

FINANSA PÚBLIKO

Nos tin e siguiente metanan sentral ku nos ke logra den e área finansiero.

- Yega na un presupuesto balansá
- Limitá pago di interes ku saneamentu di debe i fianza nobo responsabel basá riba norma di interes stipulá
- Krea espasio finansiero pa invershonnan ekonómiko i sosial
- Pèrkurá pa likides disponibel i kontrolabel
- Drecha legishon i atministrashon finansiero
- Den presupuesto mester aloká suficiente fondo pa realisá e proseso di kambionan estatal

Puntonan di akshon

- Atendé likidashon di debe durante di período transitorio i despues pa e pais nobo.
- Stipulá normanan finansiero
- Traha splikashon di e normanan finansiero komprendibel pa un i tur
- Traha un presupuesto pa e pais nobo teniendo kuenta ku prioridatnan i nivel di kuido i ku organisashon nobo di e aparato públiko
- Yega na un presupuesto di mas aña ku ta balansá
- Ahustá e maneho di subsidio di tal forma ku e ta atendé ku kada instituto a base di su nesidatnan i sigurá ku gobièrnu i subsidio di gobièrnu realmente ta benefisiá e siudadano konhuntamente ku stakeholders
- Finalisá e trayekto pa desentralisá i integrá servisio di impuesto pa Kòrsou
- Atendé ku e problemanan agudo di likides den konsulta estrecho ku institutonan finansiero a base di un protokòl
- Aktualisá plan pa maneho finansiero di pais (implementatie plannen) basá riba palabrashonnan hasí durante konsultanan
- Ankra normanan finansiero i órganonan di supervishon di estado di Kòrsou den nos leinan i nos konstitushon
- Traha un lei ku ta optimalisá transparensa di i siklo presupuestario
- Sòru pa e kuantanan anual for di 1988 keda tratá den Konseho Insular
- Kaba ku e kuantanan anual te ku 2006 manera stipulá den plannan di implementashon di e maneho finansiero i garantisá ku no lo kai atras mas
- Stipulá maneho di dividendo a base di prinsipio di good corporate governance pa tur e kompanianan di gobièrnu i atené na dje
- Traha skema di likidashon di debe
- Reserva un parti di fondonan di gobièrnu di Kòrsou den kuadro di presupuesto di mas aña eksplísitamente pa mantenshon di proyektonan realisá den kuadro di e iniciativa sosial ekonómiko

INISIATIVA SOCIAL EKONÓMIKO

- Inventarisá retrasonan ku tin den komunidad riba tur tereno, teniendo na kuenta iniciativa partikular i pone prioridatnan a base di estudio di nesesidatnan di kuido i teniendo kuenta ku e konsekuenshanan presupuestario
- Konkretisá e plan Sosial Ekonómiko promé ku sèptèmber 2007 den kua mayoria di retrasonan ekonómiko i sosial agudo ta keda eliminá
- Sostené e kambionan nesesario pa drecha klima di invershon
- Konsulta ku sektor privá i laboral pa finalisá di proyekshon di invershonnan ekonómiko
- Inkalkulá gastunan di reorganisashon di aparato públiko nobo

ASUNTUNAN GENERAL

- Kaba trayekto di deskripshon di funkshonnan den e proyekto di “organiek”
- Sigui ku e proseso di outomatisashon di tur departamentu
- Kita retrasonan den trabou (clean desk policy)
- Drecha funshonamentu di secretarie
- Alsa kalidat di servisio di tur departamentu
- Enkargá maneho operashonal diario na hefenan di servisio pa lokual nan mester responsabilisá nan mes di manera ku bestuurscollege por pone enfóke riba maneho di áreanan di gobernashon. Mester enforsá e maneho di gobièrnu enkuantu managementcontract pa tur hefe di servisio den kua tin klaridat riba nan obligashon i derecho
- Subi efisiensia di Kolegio Ehekutivo pa loke ta trata reunionnan di manera ku tin suficiente tempu pa atendé ku maneho

3. MANEHO EKONÓMIKO I DI TURISMO

Kresementu duradero di nos ekonomia ta dependé pa gran parti di oumento di e konfiansa bou di e invershonista i konsumidó di un banda, i di otro un banda di desaroyonan global, entre nan desaroyo di preis di zeta. E desaroyo ekonómiko pover ku nos a eksperensha delaster añanan, ta un fuente di preokupashon kontinuo. E diferente konsehonan ku tantu ekspertonan internashonal komo lokal a duna e último dékadananan ta deliniá direkshon pa un maneho ekonómiko ku lo krea un fundeshi fuerte i ku ta hasi kresementu ekonómiko duradero posibel. E rekomendashonnan di manehonan ekonómiko (makro – sektoral – mikro) ku na e momentu aki den e proseso di struktura estatal, ta mas relevante i urgente.

1. Maneho fiskal i di finansa públiko

- Solushoná e problema di debe nashonal

3. Maneho general di merkado di produkto, di labor i di kapital

- Introdukshon di un lei di kompetensha sano (e.o. anti-dumping), basá riba un análisis di kompetensha den tur nos sektornan di produkto prinsipal
- Introdukshon di un bon maneho di merkado laboral, basá riba nesesidatnan real
- Sigurá ku nos propio hendenan ta haña oportunidat di empleo den e kuponan di trabou ku lo habri den futuro serkano
- Evaluá implementashon di Landsverordening Arbeid Vreemdelingen
- Yega na palabrashonnan ku gobièrnu sentral pa desentralisá inspeksion laboral
- Entamá pasonan pa yega na e asina yamá Herstelbank i studia e posibilidat di inkorporá Korpodeko i OBNA den esaki
- Entamá pasonan pa yega na un bolsa finansiero (akshon, bono) i stimulá introdukshon di un “venture capital fund”

1. Maneho sektoral.

Turismo:

- Evaluá ehkushon di e Tourism Master Plan i tarea di CTB den esaki. E último ku e meta pa yega na mas profeshonalisashon di CTB
- Ehekutá merkadeo di focus riba e merkado di konferenshanan internashonal, salubridat, kultura, arte i deporte
- Evaluá e presupuesto di merkadeo di CTB basa riba output i si ta nesario yega na un eventual oumento riba un base di “public-private partnership”
- En kooperashon ku sektor privé sostené plannan eksistente pa formashon turístiko i proyektonan pa realisá edukashon riba tereno turístiko
- Hasi un “quick study” pa wak kon nos sektor ta kompará den tèrmino di impuesto ku region, pa wak kiko ta e posibilidatnan pa generá mas entrada pa gobièrnu for di e sektor. Enforsá tambe kobramentu di e “room-tax” eksistente

Servisio Finansiero Internashonal:

- Yega na palabrashonnan ku gobièrnu sentral pa ehkushon diligente di tur loke ta trata e sektor aki, ku ta un fuente importante di trabou i entrada pa gobièrnu insular (especialmente permisionan di estadia i di trabou pa expatriates)
- Sostené gobièrnu sentral di tur manera posibel den promoshon di e sektor aki

Hub logístiko:

- Finalisá e plan pa un logistical hub i buska finansiamentu pa ehekushon di e parti ku lo toka gobièrnu. Gobièrnu tin un tarea di fasilitadó den e parti ku ta toka sektor privá
- Bin ku un plan di promoshon di nos haf i aeropuerto i reservá fondonan pa esaki

E-commerce i ICT :

- Desaroyá un plan stratégiko di ICT i e-commerce

Koperativismo:

- Reevaluá e maneho aktual pa yega na un desaroyo duradero di e sektor aki

1. Fasilitashon i promoshon di invershon i eksportashon

- Atendé ku e problema di “red tape” (e.o. dunamentu di pèrmit, taxholidays, etc.)
- Krea un “Task Force” ku tarea spesífiko pa lòs tur proyekto ku ya tin aprobashon di gobièrnu, i ku e invershonista o desaroyadó a pone “on hold”
- Operashonalisá Curaçao Economic Development Board (CEDB) a base di un modelo di kresementu
- Reevaluá kompetividat di nos insentivonan i fasilitatnan di invershon
- Intensivá un maneho struktural pa empresanan chikí i mediano den koperashon ku Adeck i Sedeck

1. Refuerso institushonal

- Studia lantamentu di un organisashon di planifikashon sentral.

4. MANEHO DI INFRAESTRUKTURA I DESARROYO URBANO

Den e periodo aki, mester determiná un vishon (nobo) i kuadro di maneho integral di infraestrutur, desaroy urbano i bibienda pa pais Kòrsou, ku ta inkluí aspektonan físiko, ekonómiko i sosial. E maneho akí mester sostené programa i plannan di desaroy sosialekonómiko. Meta prinsipal di e maneho ta pa mehorá kalidat di bida di tur siudadano di un forma ku ta kuadra ku normanan di paisnan desaroyá. E desaroy aki mester toka tur aspekto di kalidat di bida den bario.

2. Bibienda

- Hasi un estudio di nesesidat (“doelgroepenonderzoek”) di bibienda na Kòrsou i a base di esaki, implementá un plan di mas aña pa aselerá konstrukshon di bibienda públiko i konstrukshon propio (“zelfwoningbouw”) ku meta pa redusí e listanan di espera pa haña kas.

Por logra esaki pa medio di e.o.:

- parselashon aselerá di terenonan di gobièrnu i di FKP
- planifikashon sinkronisá i entrega den fase
- “Public Private Partnerships”
- enfoká riba desaroy di barionan grandi manera Sapaté i Wechi
- enfoká riba áreanan ku infraestrutur eksistente
- uso mas optimal di tereno (e.o. konstrukshon di piso)
- maneho proaktivo pa atkirí i destiná tereno (“grondbedrijf”)
- Stimulá “eigenwoningbezit” (kas propio) pa medio di e.o. mihó aksesibilidat pa finansiamentu, benta di kasnan di hür, un fondo pa yuda drecha o kompletá kas, guia profeshonal den planifikashon i konstrukshon di kas
- Atendé retraso di mantenshon di kasnan di FKP, introdusí un sistema di mantenshon preventivo i un servisio di mantenshon ku reashon rápidu i standardisá
- Aselerá drechamentu di barionan (“wijkverbetering”) konforme un aserkamentu integral. Lo por kuminsá ku algun bario piloto¹ bou di kordinashon di Secretariaat Stadsvernieuwing den estrecho koperashon ku instanshanan relevante
- Aktualisá business plan di FKP 2003-2006, ku atenshon partikular riba FKP su tarea den komunidad, servisio na klientela i kontinuidat di e organisashon i evaluá e nesesidat pa adaptá statutonan di FKP i Fundashon Fiansa Popular konforme eksigenshanan aktual di kódigo sivil i prinsipionan di “good corporate governance”

4. Infraestrutur i Transporte Públiko

- Ehekutá un maneho di infraestrutur, tráfiكو i transporte públiko, teniendo kuenta ku desaroyonan ekonómiko i di poblashon, kaminda lo atendé e.o.:
 - mantenshon di kayanan, paradanan i bòrchi di bùs
 - maneho di awa (roi/kloaka, dam)
 - maneho di partinan bèrdè i medio ambiente
 - siguridat den tráfiكو
 - kongestion (fila), kontròl di transporte
- Den e kuadro aki, hasi adaptashonnan nesesario na “wegenfonds” pa kumpli ku eksigenshanan nobo (meta, presupuesto, statuto, struktur di maneho i “good governance”)
- Adaptá e plaka di number di outo pa e ta mas hustu (p.e. a base di peso di vehíkulo, tipo di kombustibel) i pa e kuadra mihó ku su destinashon. Kambia rutanen di transporte públiko

¹ Por inkluí bario rural (Seru Papaya), na rant (Wishi/Marchena) i den sentro di siudat (Kortijn/ Fleur de Marie).

a base di demanda i aktualisá e skema i repartishon di ruta bou di provedornan di servisio (ABC, bus chikí, etc) den konsulta ku stakeholders

- Adaptá maneho di pèrmit di “tourwagen”, bus i taxi pa kumpli ku eksigenshanan di e sektor turístiko i normanan di kalidat den konsulta ku stakeholders
- Atendé aspektonan sosial di e sektor di transporte públiko manera penshun i seguro

2. Tereno i planifikashon urbano

- Kaba ku evaluashon di EOP pa brinda mas fleksibilidat pa desaroyonan na benefisio general i mihó sinkronisashon ku maneho/plannan di relevante²
- Kombertí Domeinbeheer den un “grondbedrijf” pa mihó utilisashon di tereno
- Evaluá i aprobá un “bouwverordening” nobo

3. Desaroyo di Sentro di Siudad.

- Aktualisá SOP (“Stedelijk Ontwikkelingsplan”) i aselerá implementashon di proyektonan den sentro di siudad³ den estrecho koperashon ku stakeholders
- Aktualisá plan di aksesibilidat di sentro di siudad i stimulá mas desaroyo di “walkable communities” pa famianan disfrutá mas di sentro di siudad
- Bini ku un fondo pa fasilidat desaroyo urbano (sentro di siudad i bario)
- Amplia lugá di parker den sentro di siudad i regulá esaki
- Den koperashon ku instanshanan konserní, introdusí un sistema mas efektivo pa yega na un mihó limpiesa i nivel di mantenshon den siudad
- Evaluá e maneho dirigí pa mantené nos sentro di siudad riba lista di Herensia Mundial di UNESCO⁴

2 P.e. master plan turístiko, programa ekonómiko di mas aña (MEP), plan di Hub Logístiko i maneho di bibienda.

³ Skalo Abou, Pietermaai, Waaigat, Kuránan di Otrabanda, Rif i un di dos Megapier.

⁴ Por konsiderá pa proponé nos fórtinan riba e lista, kisas den aliansa ku otro islanan den region, dunando Kòrsou un ròl prominente den Karibe.

5. MANEHO DI KOMPANIANAN DI GOBIÈRNU

Kompanianan di Gobièrnu di Kòrsou ta representá un balor grandi i ku e desaroyonan aktual lo por bai representá un balor muchu mas grandi den futuro. Nan ta esensial pa desaroyo di nos isla semper i kuando nos sòru pa manehá nan na un manera efektivu i efisiente. Pa esei ta importante ku gobièrnu tin na su alkanse organisashonnan pa vigilá i manehá e kompanianan aki, un maneho efektivu pa apuntá komisarionan i un maneho pa ku buskamentu di partner stratégiko pa e kompanianan pa kual esaki ta posibel i deseabel.

General

- Introdusí un maneho general pa kompanianan di gobièrnu i tambe maneho espesífiko pa kada kompania. E maneho aki mester enserá entre otro “operational audits” kada tantu aña i un maneho di responsabilidat sosial
- Konvertí STIP den un órgano ku ta vigilá funshonamentu di kompanianan di gobièrnu i ku ta sostené eventual prosesonan di privatisashon
- Tur akshon di kompanianan anónimo di gobièrnu ta keda transferí pa Gobièrnu Insular
- Pone eksigensianan di konosementu i kualifikashon pa direktornan, komisarionan (i di direktor i miembronan di direktiva di fundashonnan) dor di adaptá statutonan di kompanianan (i fundashonnan di gobièrnu)
- Introdusí ‘regulatory board’ pa kubri sektornan di telekomunikashon, energia (awa, elektrisidat, i kombustibel) i hafnan
- Profeshonalisá huntanan di komisario di kompanianan di gobièrnu (i direktivanan di fundashonnan), mediante e.o.:
 - Modernisashon di statutonan conforme kódigo sivil nobo
 - Uniformisá i balansá pago di komisarionan i bestuursleden a base di rapòrtnan eksistente
 - Instituí ouditoria interno, kaminda ta raportá na hunta di komisario
- Kontinuá ku búskeda di partnernan stratégiko pa kompanianan di gobièrnu kaminda ta posibel i deseabel e.o. pa e kompanianan CDM, UTS, KTK, etc.

Energia

- Formulá un maneho pa sektor energétiko ku ta maksimalisá benefisio pa komunidad.
- Kontinuá e proseso pa yega na un kontrakt nobo ku PDVSA i/o otro partner stratégiko pa yega na un mihó medioambiente, mas entrada pa gobièrnu i mas kupo di trabou pa trahadónan lokal. Tambe mester yega na palabrashon pa ku uso di e terminal di Bulbai
- Evaluá struktura di tarifa di awa i elektrisidat i fórmula un maneho ku ta garantisá sobrebibensia di e kompania i alabes ta perkurá pa un operashon efisiente i preisnan akseptabel
- Evaluá resultadonan di e operational audits di Curoil i Aqualectra
- Stimulá i invertí den proyektonan di energia limpi (solo, bientu, deep-sea-pipe) pa remplasá energia a base di petroli i bin ku un maneho nashonal pa spar energia
- E komponente di mas grandi den preis di energia, koriente, awa i gasolin ta impuestonan. Mester studia te kon leu por baha e komponente aki na un manera responsabel, ya ku energia ta un nesesidat básiko. Tambe mester studia kon por invertí entrada di impuestonan pa invershon den e sektor aki, e.o. pa stimulá uso di energia alternativa i informashon kon pa spar energia

Telekomunikashon

- Konkluí e repartishon di akshonnan di UTS entre gobièrnu sentral i teritorio insular i kontinuá ku e proseso di kompra di e akshonnan di gobièrnu sentral den UTS dor di gobièrnu insular di Kòrsou
- Aselerá implementashon di e plan pa konektá henter komunidadat riba un red di kapasidat haltu
- Evaluá derechonan di konseshon pa yega na tarifanan mas abou di telekomunikashon
- Promové kompetishon hustu pa yega na preisnan kompetitivo i servisio di kalidat haltu

Logístika

- Yega na un desishon pa ku e problema di konseshon den haf
- Ekspandé aktividatnan internashonal di KTK
- Resolvé e situashon pa ku un operador nobo pa Aeropuerto i buska un partner nobo pa desaroyá e parti di real-estate